

Oqaluuserisassanut nassuiaat

(Inatsisartut Siulittaasuat)

Pipaluk Lynge Inatsisartunut ilaasortanngoqqinnissamik qinnuteqarpoq pineqartullu qinigaasinnaanera Qinigaanerup Misilinneqarnissaanut Ataatsimiititaliamit akuerineqarsimalluni.

Pipaluk Lyngep Inatsisartunut ilaasortanngoqqinnissaata Inatsisartunit akuerineqarnissaa matumuuna inassutigaa.

Akerliusoqarnerluni.....

Pipaluk Lynge, tikilluarit, Inatsisartuni inissannut ingissinnaanngorputit tikilluaqqigillu.

Agathe Fontain Naalackersuisutut atuuffimminik isumaginninnermini Inatsisartunit sulingiffeqarnissaminik qinnuteqarpoq.

Stine Egede Inatsisartuni atuuffimminit tunuavinnissaminik qinnuteqarpoq. Akerliusoqarnerluni? Taamaalilluni Hans Aronsen, Inuit Ataqtigiit, Inatsisartunut aalajangersimasumik ilaasortanngorpoq.

Hans Aronsen, Inuit Ataqtigiit, novembarip ulluisa qulingat ilanngullugu napparsimanerminik nalunaaruteqarpoq.

Inuit Ataqtigiit sinnisussamik ataatsimiigiaqqusisoqarnissaanik qinnuteqarput. Taamaalilluni Hans Aronsenip nappasimalluni peqannginnerani Mariia Simonsen sinnisussatut ataatsimiigiaqquneqarpoq.

Akerliusoqarnerluni? Mariia Simonsen, tikilluarit, Inatsisartuni inissannut ingissinnaanngorputit.

Karl Tobiassen, Siumut, Naalackersuisunit tunuarnermi kingorna Inatsisartunut ilaasortanngoqqippoq.

Erik Jensen, Siumut, Inatsisartunit sulingiffeqarnini atorunnaarsippaa.

Kim Kielsen, Siumut, Naalackersuisutut atuuffimminik isumaginninnermini Inatsisartunit sulingiffeqarnissaminik qinnuteqarpoq.

Hans Peter Poulsen, Siumut, Naalackersuisutut atuuffimminik isumaginninnermini Inatsisartunit sulingiffeqarnissaminik qinnuteqarpoq.

Siumut sinniisussamik ataatsimiigiaqqusisoqarnissaanik qinnuteqarpoq Najaaraq Møllerilu sinniisussatut ataatsimiigiaqquneqarluni. Akerliusoqarnerluni? Najaaraq Møller, tikilluaqqigit, Inatsisartuni inissannut ingissinnaanngorputit.

Oqaluuserisassani immikkoortoq 4: Inatsisartuni ataatsimiititalianut ilaasortanik sinniisussanillu qinersineq kinguartinneqarpoq ulloq 27. september oqaluuserineqartussanngortillugu.

Oqaluuserisassani immikkoortut 26 aamma 130 ataatsimut oqaluuserineqartussaajunnaarput, ullorli taanna tassa ulloq 28. september tulleriissiinnarlugit oqaluuserineqassallutik.

Immikkoortuni pineqarput:

Immikkoortoq 26: Siunnersuut uunga: Utoqqalinersiaqarneq pillugu Inatsisartut inatsisaata aamma siusinaartumik pensionisiat pillugit Inatsisartut inatsisaata allanngortinneqarneri pillugit Inatsisartut inatsisaat

Immikkoortoq 130: Utoqqalinermi soraarnerussutisiat akileraarutaasarunnaarnissaannut periarfissat pillugit Naalakkersuisut nalunaarusioqqullugit peqquneqarnissaannik inatsisartut aalajangiiffisassaattut siunnersuut.

Taasisarnerit pillugit uku akornanni isumaqatigiissuteqartoqarpoq:

Anders Olsen, Siumut aamma Hans Enoksen, Naleraq

Kuno Fencker, Siumut aamma Pele Broberg, Naleraq